

PAB TXHAWB COV ME NYUAM YAUS XIAM OOB QHAB



WISCONSIN LUB CHAW HAUJ LWM SAIB XYUAS ME NYUAM YAUS LI KEV NOJ QAB HAUS HUV LUB HLWB (SUPPORTING KIDS WITH DISABILITIES)

XYA HLI NTUJ 2024

VIM LI CAS QHOV NO TSEEM CEEB

Cov me nyuam yaus xiam oob qhab – txawm yuav yog xiam oob qhab lub cev, kev kawm paub, los sis kev loj hlob los xij - muaj feem xyuam siab rau kev muaj mob hlwb tshaj li cov me nyuam yaus uas tsis xiam oob qhab. Cov mob puas hlwb muaj feem cuam tshuam loj, sij hawm ntev, thiab cuam tshuam tsis zoo ntawm lawv lub neej. Cov me nyuam yaus uas xav tau kev pab ntau tshaj kuj tseem muaj feem rau kev tsis tau txais kev pab cuam los ntawm peb lub lab npauv saib xyuas.

YAM UAS KEV TSHAWB FAWB HAIS QHIA

Yuav luag li 20% ntawm cov me nyuam yaus muaj qhov xav tau kev saib xyuas kho mob tshwj xeeb. Cov kev xav tau no tuaj yeem suav nrog mob puas hlwb, hawb pob, mob ntshav qab zib, mob qaug dab peg, kev xiam oob qhab ntawm kev kawm, kev hais lus los sis kev hais tsis tau lus, los sis kev xiam oob qhab kev txawj ntse thiab kev loj hlob. Children and youth with special health care needs (Cov me nyuam yaus thiab cov hluas uas xav tau kev saib xyuas kho mob tshwj xeeb, CYSHCN) xav tau kev saib xyuas ntau dua li lwm cov me nyuam.

Ntxiv rau lawv cov kev xav tau kev kho mob tshwj xeeb, ntau tshaj li ib nrab (56%) ntawm CYSHCN muaj tus mob hlwb.¹ Cov me nyuam yaus uas muaj kev txawj ntse los sis kev xiam oob qhab kev loj hlob feem ntau ntsib teeb meem kev nyob nrog lwm tus thiab yuav tsis muaj peev xwm sib txuas lus txog kev ntxhov siab nyob ib puag ncig lawv cov teeb meem, ua rau muaj feem ntau ntxiv ntawm kev ntxhov siab thiab kev nyuaj siab. Cov ntau ntawv tsis ntev los no qhia txog tias ze li ntawm 40% ntawm cov me nyuam yaus uas muaj ADHD kuj muaj kev ntxhov siab.² Cov neeg muaj mob puas hlwb muaj ntau tshaj peb npaug ntawm kev yuav luag tuag los sis tuag los ntawm kev tua tus kheej ntau tshaj li cov uas tsis muaj kev puas hlwb.³

Cov me nyuam yaus uas muaj kev xiam oob qhab feem ntau raug thab plaub, kev cais tawm ntawm tib neeg, thiab lwm yam kev raug mob xws li kev cais tawm thiab kev txwv tsis pub nyob hauv tsev kawm ntawv - txhua yam uas muaj feem cuam tshuam tsis zoo rau kev muaj mob hlwb.


Cov me nyuam yaus loj dua uas xiam oob qhab tsis tau npaj hloov mus rau lub neej tom qab kawm tiav tsev kawm ntawv theem siab. Tsuas yog 22% ntawm cov tub ntxhais hluas uas muaj kev xav tau tshwj xeeb hnuv nyoo 12-17 xyoo tau txais kev pab cuam kev hloov mus rau lawv cov kev saib xyuas kho mob neeg loj.⁴ Thaum lawv kawm ntawv theem siab, cov me nyuam kawm ntawv uas muaj kev xiam oob qhab feem ntau yuav tso tseg ntau dua piv rau cov me nyuam kawm ntawv uas tsis muaj kev xiam oob qhab, ua rau muaj kev cuam tshuam rau lub neej yav tom ntej.

DAB TSI TSHWM SIM NYOB RAU HAUV WISCONSIN?


Cov me nyuam kawm ntawv uas xiam oob qhab sawv cev rau 15% ntawm Wisconsin cov pej xeeb tub ntxhais kawm, tab sis 80% ntawm tag nrho cov kev cais tawm thiab 78% ntawm tag nrho cov kev txwv hauv cov tsev kawm ntawv. Feem coob ntawm kev cais tawm thiab kev txwv tsis pub cov me nyuam yaus raug mob hauv cov tsev kawm ntawv theem qis.⁵

Cov me nyuam yaus uas xav tau kev saib xyuas kho mob tshwj xeeb hauv Wisconsin ntsib cov teeb meem ntawm ob mus rau peb npaug ntawm tus me nyuam uas tsis muaj kev xav tau kev kho mob tshwj xeeb. Ob feem peb ntawm CYSHCN tsis loj hlob (ib qho kev ntsuas ntawm kev noj qab haus huv); feem ntau muaj teeb meem tau txais kev kho mob; thiab feem ntau yog thab plaub. Lawv muaj feem tsis mus koom hauv tsev kawm ntawv thiab ntau tsev neeg tau nthuav qhia tias tsis muaj kev sib koom tes zoo ntawm kev kho mob rau lawv tus me nyuam, ntxiv rau qhov kev ntxhov siab heev uas cov niam txiv tau nyiaj dhaub. Cov me nyuam yaus no muaj feem tsib npaug uas yuav tsis tau txais kev saib xyuas kho mob ntau tshaj li cov uas tsis muaj kev xav tau kev kho mob tshwj xeeb.⁶

KEV CAIS TAWM THIAB TXWV TSIS PUB KAWM HAUV WISCONSIN COV TSEV KAWM NTAWV



FEEM PUA NTAWM WISCONSIN COV ME NYUAM YAUS NTSIB YAM TSIS ZOO YAV DHAU LOS



PAB TXHAWB COV ME NYUAM YAUS XIAM OOB QHAB (SUPPORTING KIDS WITH DISABILITIES)

(txuas ntxiv)

DAB TSI TSHWM SIM NYOB RAU HAVV WISCONSIN?

Kev ntsuas Lub Khoos Kas Wisconsin's Birth to 3 (Wisconsin Thaum Yug txog 3 xyoo) - qhov kev pab cuam tshwj xeeb rau kev kawm tshwj xeeb ua ntej hnuv nyoog kawm ntawv uas pab cov me nyuam yaus hnuv nyoog qis dua 3 xyoos uas muaj kev xiam oob qhab los sis kev loj hlob qeeb - pom tias kev ua hauj lwm ntawm kev xav ntawm cov me nyuam yaus hauv qhov kev zov me nyuam tau zoo dua qub thaum lawv nyob hauv kev pab cuam.⁷



YAM UAS PEB TUAJ YEEM UA TAU

COV NIAM TXIV/COV SAIB XYUAS ME NYUAM:

- [Wisconsin Wayfinder](#) pab txhawb cov tsev neeg ntawm cov me nyuam yaus uas muaj kev xav tau tshwj xeeb suav nrog kev mob hlwb, txuas cov niam txiv mus rau kev pab dawb, tsis pub lwm tus paub, thiab kev pab txhawb tus kheej.
- Nkag siab tus xov toaj ntawm niam txiv thiab chaw nyob [tus neeg saib xyuas xav tau](#) los ntawm kev txuas nrog cov koom haum xws li [Connecting Families](#), [Wisconsin Family Ties](#), [NAMI Wisconsin](#), thiab [Family Voices](#).
- Txuas nrog pab pawg neeg pab txhawb xws li [Disability Rights Wisconsin](#), thiab [MHA Wisconsin](#).
- Tshawb nrhiav cov chaw pab cuam ntawm kev xiam oob qhab thiab kev kawm tshwj xeeb muaj los ntawm [WI FACETS](#) thiab [DPI](#).
- Pib [kev npaj hloov pauv](#) nrog koj lub neej thaum hluas hauv kev txhawb ntawm lawv txoj kev hloov pauv mus rau lub neej neeg loj.
- Kawm paub txog kev siv cov xov xwm saum huab cua rau kev noj qab nyob zoo rau txoj kev xav ntawm cov hluas: [Daim Ntawv Cov Lus Qhia Niam Txiv](#).

COV ZEJ ZOG:

- Tsim kom muaj cov chaw sib koom ua ke uas cov me nyuam muaj kev xiam oob qhab thiab xav tau kev kho mob tshwj xeeb pom tias muaj kev nyab xeeb thiab tos txais thiab lawv niam txiv pom tias muaj kev pab txhawb zoo.
- Kho cov chaw hauv zej zog (qib tsev qiv ntawv, chaw ua si, tsev khaws qub txeeg qub teg) thiab cov xwm txheej hauv zej zog (cov koob tsheej, cov concerts, cov koom txoos ua kev zoo siab) kom suav nrog cov me nyuam yaus uas muaj kev kuaj mob ua ke.

COV KWS KHO MOB:

- Mloog cov neeg saib xyuas. Lawv paub lawv tus me nyuam zoo tshaj plaws, tab sis cov neeg saib xyuas feem ntau xav tau kev pab tsim cov niaj hnuv ua uas tsim kom muaj kev ruaj ntseg hauv tsev, nrog rau kev pab tswj lawv tus kheej kev ntshov siab.
- Txuas lawv cov tsev neeg rau lawv cheeb tsam [Cov Me Nyuam Yaus Lub Chaw Pab Cuam](#) tau tsim los pab cov tsev neeg nrog CYSHCN.
- Kev nkag siab CYSHCN yog cov neeg uas muaj [raug mob](#) thiab cov txiaj ntsig los ntawm kev mus cuag tau kev cob qhia txog ceeb toom-kev raug mob thiab cov chaw pab cuam.

- Pab pawg niam txiv ntawm ntau cov me nyuam hluas sib txawv ntawm [kev kawm ua ntej hnuv nyoog kawm ntawv](#).
- Kev txuas nrog [Wisconsin Child Psychiatry Consultation Program \(Lub Khoos Kas Wisconsin Kev Sab Laj Txog Me Nyuam Yaus Txoj Kev Xav\)](#) rau cov ntaub ntawv kho mob thiab cov tswv yim.
- Kev hais tawm [Wisconsin Cov Hluas Pib Hloov Pauv Kev Noj Qab Haus Huv](#) cov chaw ntaub ntawv rau cov chaw kho mob.

COV NEEG TEEB TSA KEV CAI:

- Kom paub tseeb tias muan kev pab cuam duav roos kho mob hlwb nyob thoob ntiaj teb, tsis tu ncuva, thiab pheej yig rau txhua tus CYSHCN.
- Nthuav dav cov nyiaj them poob hauj lwm ruaj khov rau cov neeg ua hauj lwm saib xyuas thiab txhawb nqa Family Caregiver Tax Credit (Cov Saib Xyuas Hauv Tsev Neeg Cov Credit Them Se).
- Nce cov nqi them Medicaid kom raug raws li tus nqi tiag ntawm kev muab kev saib xyuas nyuaj rau CYSHCN.
- Hais daws kev tsis sib haum xeeb ntawm kev kho mob hlwb thiab cov lus pom zoo rau cov hluas [hloov mus ua neeg loj](#).
- Kev nqis peev hauv cov thaj chaw ntawm kev txhim kho tau teev tseg hauv [Wisconsin IDD-MH Daim Ntawv Qhia Txog Kev Txhim Kho](#).
- Muab peev nyiaj pab rau [kev cob qhia uas yuav tsum muaj](#) raws li tsev kawm ntawv kev cais tawm thiab kev txwv tsis pub kawm.

TSEV KAWM NTAWV:

- Sib koom ua ke [Cov Tsev Kawm Rau Cov Neeg Raug Mob](#) cov lus taw qhia rau kev kawm paub tshaj lij.
- Ua hauj lwm kom tso tseg cov kev coj ua [kev tshem tawm thiab kev txawv](#) tsis pub kawm.
- Kom paub tseeb tias cov tub ntshais kawm K-12 thiab cov tsev neeg koom nrog hauv kev tsim cov tub ntshais kawm ntawv [Postsecondary Transition Plan \(Txoj Kev Npaj Hloov Pauv Tom Qab Kawm Tiav Tsev Kawm Theem Nrab\)](#) thiab qhov uas nws qhia txog cov kev npaj kho mob hlwb tom qab tsev kawm ntawv theem siab.
- Cob qhia cov kws tshaj lij kho mob puas hlwb ua ntej hauv cov kev pab cuam tom qab kawm tiav tsev kawm theem nrab yuav ua li cas thiaj kho tau CYSHCN.

COV CHIV KEEB:

¹ Annie E. Casey Foundation (Annie E. Casey Lub Koom Haum). The State of Children with Disabilities and Special Health Care Needs (Lub Xeev Cov Me Nyuam Xiam Oob Qhab thiab Kev Kho Mob Tshwj Xeeb). Nkag cuag tau: <https://www.gecf.org/blog/the-state-of-children-with-disabilities-and-special-health-care-needs>.

² Danielson et al (2024). ADHD Prevalence Ntawm Teb Chaws Asmeskas Cov Me Nyuam thiab Cov Hluas xyoo 2022: Kev Kuaj Mob, Kho Mob Hnyav, Kev Sib Koom Kho Mob Tshwm Sim, thiab Kev Kho Mob. Ntawv Tshaj Xov Txog Kev Kuaj Mob Me Nyuam Yaus thiab Cov Me Nyuam Hluas Txoj Kev Xav. <https://doi.org/10.1080/15374416.2024.2335625>

³ JAMA, <https://jamanetwork.com/journals/jamanetworkopen/fullarticle/2774853>

⁴ HRSA Kev Noj Qab Haus Huv Leej Niam thiab Me Nyuam. NSCH Cov Ntaub Ntawv Sau Lu: Children and Youth with Special Health Care Needs (Cov Me Nyuam Yaus thiab Cov Hluas Xav Tau Kev Saib Xyuas Kho Mob Tshwj Xeeb). Nkag cuag tau: <https://mchb.hrsa.gov/sites/default/files/mchb/programs-impact/nsch-data-brief-children-youth-special-health-care-needs.pdf>

⁵ Wisconsin Department of Public Instruction (Lub Chaw Hauj Lwm Saib Xyuas Kev Qhia Paub Zej Tsoom). 2022-2023 Daim Ntawv Qhia Txog Kev Cais Tawm thiab Kev Txwv. Nkag mus 5/30/24: https://dpi.wi.gov/sites/default/files/imce/sspw/pdf/Seclusion_and_Restraint_Report_22-23.pdf.

⁶ Kev Ntsuam Xyuas Thoob Teb Chaws ntawm Me Nyuam Yaus Li Kev Noj Qab Haus Huv. 2021-2022.

⁷ UW-Milwaukee Institute for Child and Family Well-Being (Lub Chaw Hauj Lwm Saib Xyuas Me Nyuam Yaus thiab Tsev Neeg Kev Noj Qab Nyob Zoo). Daim Ntawv Nthuav Qhia Kev Ntsuas Pab Peev Nyiaj Pab Cuam Kev Hloov Kho Txoj Kev Xav Thaum Yug Birth to 3 (Txog Hnuv Nyoog 3) Xyoos. Caij nplooj hlaw 2022. <https://www.dhs.wisconsin.gov/non-dhs/icfw-report.pdf>